

民國九年夏月

夏邑縣志

新修夏邑縣志目錄

卷首

圖例 城圖

邑境全圖

六區分圖各一

河流全圖

縣署圖

文廟儒學合圖

還鄉祠圖

慈勝寺
節孝祠
合圖

城隍廟
工廠
合圖

崇正書院圖
學堂附

卷一

地理志

沿革表

考畧

證誤

疆界
道里附

河渠

集市

村莊

古蹟

陵墓

風土

物產

卷二

建置志

城

街

關

池

堤

橋

縣廨

驛站

倉廩

場圃

黌學

書院
學堂

坊表

卷三

廟祀志

文廟

關岳合祀

忠孝節義祠

叢廟

卷四

田賦志

地畝

戶口

賦稅

鹽引

卷五

官師志

知縣

縣丞

教諭

訓導

典史

主簿

驛丞

陰陽學訓術

邑汛

知事

管獄員

警佐

循良附

卷六

人物志

孝子

忠烈

宦蹟

儒修

義行

武功

方伎

隱逸

流腐

耆壽

卷七

列女志

孝婦

節婦

節烈

貞節

貞烈

德壽

賢淑

才媛

卷八

選舉志

薦辟

進士

舉人

五貢

例官

武進士

武舉

廕襲

武秩

飲賓

議員

畢業生

卷九

雜志

災異

軼事

兵事

文詩

補遺

夏邑縣志

卷六目錄

人物志下

義行

武功

方伎

隱逸

流寓

耆壽

夏邑縣志卷六

黃陂黎德芬纂修

人物志

義行

明

周如矢字道卿年十四補邑庠生樸直剛方不苟言動妻李氏早逝終身不再娶喜讀書多義行事親以禮居喪哀毀骨立撫弱弟及孤姪教育成立鄉人義之

韓伯瑛字海曙邑庠生行誼高尚性孝友好施與有德量邑之人咸歎服曰仁者也後必大矣督學李公臨其門

曰德星再聚

賈如綸字龍光邑庠生賈邑望族而綸有布衣操制行稍
謹慕義好施歲饑捐資施粥全活甚衆事聞獎曰黌宮
碩儒

班於皋字念慈邑庠生正直端方言動不苟多義行所居
一鄉化為仁里且性好施予每遇歉歲待以舉火者趾
相錯也絕意功名三十年不入城市耆德雅望邑侯每
式廬焉享年八十八歲鄉飲正賓

陳世德字華峰隆慶元年丁卯科舉人生平拓落不羈慷慨
有大志喜交遊家故貧北海之座常滿文章原本秦

漢於書無所不讀七歲時邑遭土賊師五之變父母攜
家避之時其弟都諫公世恩方襁褓事急棄葛林林中
行里許德問所在大悼痛冒死回抱之遂得全晚年益
以文酒自放不仕立繼子陞登進士贈中憲大夫

班勿二號悻忱邑庠生性孝友慷慨有大節崇禎時流寇

入境里人驚竄勿二曰勿懼也乃入草堂讀漢書寇至
執刀大呼起與語問答如流舉止自若寇曰吾見人多
矣未有若子者強之從不可贈布二疋而去里人賴以
存活其後寇再至協助邑侯城守皆有經畫親死葬祭
盡禮皆獨力經營不取資於弟先人遺田三百畝悉讓

身邑縣志 卷六
與之祇留祖塋地四畝八分仍代為納稅恂恂無德色
子見心邑歲貢亦有高行

段洗字伯明邑國學生家故裕慷慨好施予嘗應貸而不
責報邑學宮久燬邑侯尚公銳意重建捐俸勸輸而外
工力尚不足洗自請於縣願輸己財助之乃鬻其祖產
地數畝得值二百金補給工料晝夜勤督之大工之竣
捐助之為力多也

于守忠邑大同鄉人父患病久醫弗效忠刺血和藥服之
立愈施棺施襖拾金不昧山年輸粟煮粥救濟多人閭
邑稱其孝善三舉鄉飲賓

軒公乘字豹懸邑庠生賦質英特性情惇懇事父母孝斑舞色養供滫瀡滌裾禴無微不至父病晝夜一苦卧榻前湯藥嘗而後進父食乃食或亡箸偶不加則亦哽咽廢食也如是經年無懈色居喪盡禮哀毀幾於滅性父故事繼母如母繼母二女適人時咸曲順其所欲無少阻或規之則曰追思父心當如是不忍以生死間也性好施濟減衣食以備解推生者賑死者棺惟力是視無少吝晚有目疾幾盲得良藥而愈遂製方藥濟人遠近求者履相錯雖所費藥物不貲弗計也辛卯中副車遂謝棘闈衡泌棲遲樂善不倦

孟其昂字羨超邑諸生母病侍床簀衣不解帶者數月及卒哀毀骨立見者感歎不置普濟堂初建昂出金數百穀二百石工遂成又常施冬衣製藥餌以濟貧病

駱昭禮

六里民

仇顯祖

三里民

杜敬

七里民

朱端

九里民

四人俱於

正統六年時荒饑各輸米麥一千一百石助賑有司以聞勅旌為義民勅曰國家施仁義民為首爾能出米麥一千一百石用助賑濟有司以聞朕用嘉之今特賜獎諭勞以羊酒旌為義民仍免本戶雜派差徭五年尚克蹈忠厚表勵鄉俗用副朝廷褒嘉之典欽哉故勅

楊南十里民嘉靖乙亥歲饑輸穀若干石助賑當道以聞

給以冠帶榮身扁其門曰義士

張三光者邑西北十二里堂人也家徒四壁好施與不倦
尤有奇節有夏姓者遺百餘金於道光農行拾之株守
日晡候其人來還之其人出金以報光曰咄吾寧舍多
而取少也去不顧

何復善邑生員積德好學為鄉評所推重輕財好施急人
患難閭里多被其周卹者嘗施惠於人無德色萬歷二
十二年歲大歉施糧三百石綿衣三百領存活甚衆縣
府申請題獎義行

周養真事父母以孝聞親死哀毀骨立結廬墓側三年家

貧好施凡遇患難及不能舉火者竭力周卹之諸如葺路修橋之類或以力或以財終歲不倦身嘗不能謀朝夕里人高其義焉

齊應登邑鄉耆也事親至孝父病湯藥必親嘗跪進之晝夜不離榻側親死廬墓三年分遺產讓弟而不取歲饑施粥濟貧存活甚衆有扁獎

閻祿邑九里民嘉靖元年萊蕪縣王鎬賊起以義勇從副使王鉞勦征有功賞犒以銀不受奏聞詔給冠帶榮身王獻臣字賢書號鎮寰別號懷竹老人萬歷四年丙子年二十二登鄉試幼失恃事繼母高以孝聞待弟友愛人

無間言父捐館舍遺產千金盡與諸弟曰吾幸舉於鄉
孰非先人所貽奈何猶析先業哉族之不能舉火者捐
所置義田贍之有寡妹三孤無以糊口勃然曰吾之責
也盡收入家養之教之入庠後更設塾師為之館穀凡
邑之有志向學而貧者悉贍給之復施義塚醫時疫建
橋梁於迎薰門置渡船於白河涯贖某姓已鬻之女還
陳子仙既賣之宅種種義行未易僕數且氣度謙雍犯
而不較有古人風邑人合詞公舉孝子善人按院趙公
煥旌之曰孝惻嚴慈順協繼母千金讓弟百畝贍兄燕
及窮妹教成孤甥代贖鬻女慎謁公門兩建義學出貲

卹困和爭息訟義塚澤骨施劑濟衆修理橋梁善義久著闔邑咸稱

周士樞字仲載庠生原籍虞城徙居夏邑之北門性純厚粹然儒者兄士樞字伯濟性剛急兄弟賦性各異而友愛備至與接硯席日以文行相切劘及弱冠連袂泮宮邑人仰其文采咸景慕之明季土寇起兄為寇掠去樞哀泣追隨不忍捨寇謂曰聞汝有盛德不汝傷亟去樞曰兄弟同命死則俱死肯苟活耶寇三致意而樞不回同遭害焉重手足而輕性命非殺身成仁者歟公卒崇禎壬午四月初二日年四十有二妻陳氏銓部公女也